

ՆախրաՀԱՅՐԱՊԵՏՅԱՆ

ԱՆԳԼԵՐԵՆԻ ՈՒՍՈՒՑԻՉՆԵՐԻ ՄԵԹՈԴԱԿԱՆ ՊԱՏՐԱՍՎԱԾՈՒԹՅԱՆ ՀԱՐՑԻ ԾՈՒՐՉ

Անգլերենի ուսուցման հիմնախնդիրը տարեցտարի ավելի է կարևորվում քե՛ եվրոպական տարրեր կառույցներին ինտեգրվելու և թե՛ համաշխարհային տնտեսական, կրթական զարգացումներից ենտ չմնալու տեսանկյունից: Կրթության գործը կազմակերպողները կարևորում են նոր մեթոդների, հնարների, տեխնոլոգիաների, ժամանակակից ուսումնամեթոդական համալիրների ներդրման, ինչպես նաև անգլերենի ուսուցիչների մեթոդական պատրաստվածության հիմնախնդիրը:

Այդ խնդիրն ավելի է կարևորվում ավագ դպրոցին անցման, նոր կրթական համակարգի ձևափորման և կայացման պայմաններում: Անգլերենի ուսուցիչները հայտվել են մի իրավիճակում, երբ նրանցից պահանջվում է հաղթահարել C1, C2 մակարդակները, և շատ ուսուցիչներ աստիճանաբար մոտենում են նշված մակարդակներին՝ պատրաստվելով և հանձնելով քեսու TOEFL կամ IELTS¹ համակարգերով:

Դրա ենտ մեկտեղ, գերակա խնդիր է մնում նրանց մեթոդական պատրաստվածության հարցը: Նրանք պետք է կարողանան նախագծել տվյալ դասընթացը, իրականացնել աշակերտների պահանջմունքների վերլուծություն, օգտագործել շրջանառվող հայկական և արտերկրի դասագրքաշարերի, մեթոդական լրակազմների օգտագործման, տվյալ դասընթացի խնդիրներին հարմարեցման հնարավորությունները, ծրագրել պլանավորել կոնկրետ դասեր և այլն.²

Անգլերենի ուսուցիչների մեթոդական իրազեկության մակարդակի վերաբերյալ պատկերացում կազմելու նպատակով մեր կողմից հարցախույզ է իրականացվել Շիրակի, Լոռու և Արագածոտնի մարզերի երկուական դպրոցներում: Անմիջապես ասենք, որ անգլերենի ուսուցիչների կողմից ակնհայտ հետաքրքրություն ցուցաբերվելու ուսուցիչների մեթոդական իրազեկության բացահայտման նպատակով առաջարկված հարցաշարի նկատմամբ.

1. Ի՞նչ ամսագրեր եք կարդում:
 - ա) «Иностранные языки в школе»,
 - բ) «Педагогика»,
 - գ) «Forum»,
 - դ) Ձեր տարրերակը:
2. Ի՞նչ օրաքերքեր եք կարդում:
 - ա) «Կրթություն»,
 - բ) «Հայաստանի Հանրապետություն»,
 - գ) Ձեր տարրերակը:
3. Ի՞նչ համացանցային կայքեր եք այցելում:
 - ա) mail.ru,
 - բ) google.ru,
 - գ) yahoo.com,

¹ *Տե՛ս IELTS, the International English Language Testing System, is designed to assess the language ability of candidates who need to study or work where English is used as the language of communication. IELTS is required for entry to university in the UK and other countries.*

² *Հայրապետյան Ն., Պահանջմունքների վերլուծությունն անգլերենի խորացված ուսուցման դասընթացում: Գյումրի, ՀՀ ԳԱԱ ՇՀՀ կենտրոնի Գյուղական աշխատություններ, հ. 9, 2006, էջ 144; Hutchinson T., Waters A. English for Specific Purposes: A Learning-centered approach. Cambridge: Cambridge University Press, 1987, p. 74*

- դ) yandex.com,
 ե) Ձեր տարրերակը:
- 4.Ի՞նչ լեզվով եք նախընտրում դիտել անգլիախոս ֆիլմերը:
 ա) հայերենով,
 բ) ռուսերենով,
 գ) անգլերենով,
 դ) Ձեր տարրերակը:
- 5.Օգտվո՞մ եք միջմայրցամաքային ալեհավաքից:
 ա) այն,
 բ) ոչ
- 6.Ուսուցման ո՞ր մեթոդն եք նախընտրում:
 ա) ուղիղ,
 բ) քերականական-քարզմանական,
 գ) լսատեսողական,
 դ) հաղորդակցական,
 ե) Ձեր տարրերակը:
- 7.Մխալթերն ինչպե՞ս ուղղում:
 ա) միանգամից,
 բ) դասի վերջում,
 գ) անուղղակի,
 դ) Ձեր տարրերակը:
- 8.Ի՞նչ դասագրքերից եք օգտվում:
 ա) միայն ռուսական,
 բ) ռուսական և հայեական,
 գ) ռուսական և անգլիական,
 դ) Ձեր տարրերակը:
- 9.Ներկայացնո՞մ եք Հայաստանի երկրագիտությունը:
 ա) ոչ,
 բ) այն,
 գ) Ձեր տարրերակը:
- 10.Համեմատո՞մ եք Հայաստանի և Անգլիայի երկրագիտական իրողություններն ու իրույթները:
 ա) ոչ,
 բ) այն,
 գ) Ձեր տարրերակը:
- 11.Ընթերցո՞ւմ եք անգլերեն լեզվով ամսագլեր կամ օրաբերքեր:
 ա) ոչ,
 բ) այն,
 գ) Ձեր տարրերակը:
- Հարցման ենթարկված 25 ուսուցիչներից միայն յոթն են կարդում «Иностранные языки в школе», միայն չորսը՝ «Педагогика» ամսագլերը: Սակայն ինը ուսուցիչ պարբերաբար կարդում են «Forum»-ը, ինչը, համեմատած խորհրդային շրջանի հետ, միանգամայն նոր երևույթ է: Ինչ վերաբերում է «Ձեր տարրերակի» պատասխանին, ապա երեք ուսուցիչը կարդում է Yes!, և երկուսը՝ new mag. Yes!: Ասվածից կարելի է եղահանգել, որ վիճակը ամենակատար է բարվոք չէ: Գրեթե մոռացվել է նախկին ավանդույթը, երբ բոլոր ուսուցիչները, թեկուզեն պարտադիր, բաժանորդագրվում էին մանկավարժա-մեթոդական գրականություն: Մինչդեռ ուսուցիչների նոր սերունդը դեռևս ակ-

տիվորեն չի օգտվում արտերկրի և ժամանակակից հայկական մանակավարժական գրականությունից:

Նոյնը վերաբերում է օրաբերքերի ընթերցմանը. «Ի՞նչ օրաբերքեր եք կարդում» հարցին տասնյոր ուսուցիչ պատասխանել են՝ «Կրթություն», վեցը՝ «Հայաստանի Հանրապետություն»: Հուսադրող է այն, որ ուսուցիչների շրջանում «Կրթություն» շաբաթաթերթի ընթերցողների թիվն ավելի մեծ է: Սակայն հաջորդ հարցի պատասխանները ցույց են տալիս, որ անգլերենի ուսուցիչներն այնքան էլ հետաքրքրված չեն մեթոդական բնույթի խնդիրներով, քանի որ հարցման ենթարկված ուսուցիչներից տասնվեցը օգտվում են mail.ru կայքից՝ ամենայն հավանականությամբ հետապնդելով նամակ կամ ուղերձ գրել-ստանալու նպատակ: Չորս ուսուցիչ օգտվում են google.ru և երեքը՝ yahoo.com կայքերից: Դա նշանակում է, որ ուսումնամեթոդական բնույթի կայքերը նրանց այնքան էլ չեն հետաքրքրում: Միայն երկու ուսուցիչ էր նշել «Ի՞ր տարրերակը»՝ ascp.am, britishcouncil.am, dogpile.com, ramblers.ru: Դժվար չէ հետևություն անել, որ անգլերենի ուսուցիչների ստվար մասը պարզապես չի օգտվում ժամանակակից հեռահղողորդակցական միջոցներից:

«Ի՞նչ լեզվով եք նախընտրում դիտել անգլիախոս ֆիլմերը» հարցին ուշագրավ պատասխան է տրվել. Համարյա բոլոր ուսուցիչները նշել են «անգլերենով» պատասխանը և միայն ներկը՝ «ռուսերենով»: Կարելի է ենթադրել, որ պատասխաններն այնքան էլ անկեղծ չեն, այն առումով, որ անգլերենով ֆիլմեր դիտելու համար համապատասխան մեթոդական և լեզվական պատրաստվածություն է անհրաժեշտ: Ի դեպ, հարցի պատասխանների ստուգությունն ու անկեղծությունը պարզելուն անուրդակի նպաստում են «Օգտվո՞՞մ եք միջնայրցամաքային ալեհավաքից» հարցին տրված պատասխանները: Այն, որ միայն վեց ուսուցիչ է օգտվում վերոնշյալ ալեհավաքից, իսկ ննացածները պարզապես չունեն այն, անուղղակիորեն վկայում է նրանց՝ անգլերեն լեզվով ֆիլմեր դիտելու ցանկության և ոչ դրա իրական հնարավորությունների մասին:

«Ուսուցման ո՞ր մեթոդն եք նախընտրում» հարցի պատասխանների վերլուծությունը նույնպես հաստատում է այն նախնական ենթարդությունը, որ անգլերենի ուսուցիչների մեթոդական պատրաստվածության մակարդակը իրականում բարձր չէ. երեք ուսուցիչ նախընտրում է ուղիղ մեթոդը, իինզը՝ քերականական-քարզմանական մեթոդը, տասը՝ լսատեսողականը, ոյ յոքը՝ հաղորդակցականը, իսկ «Զեր տարբերակ»-ին պատասխաններ չեն եղել:

Ամենայն հավանականությամբ ուսուցիչների մեծ մասը լսատեսողական մեթոդը շփոթել է լսատեսողական միջոցների հետ, և կարծում ենք՝ դա է իրական պատճառը, որ տասը ուսուցիչներ նշել են լսատեսողական մեթոդը: Ավելի անկեղծ են երկի այն ուսուցիչները (իինզ), ովքեր կողմնորոշվել են հօգուտ քերականական-քարզմանական մեթոդի, և այս ամենն այն պարագայում, երբ ժամանակակից խորացված ուսուցման ուսումնամեթոդական լրակազմերը գրված են գերազանցապես հաղորդակցական մոտեցման սկզբունքներով: Նոյնը վերաբերում է սխալների ուղղմանը. Միայն ութ ուսուցիչ են սխալներն ուղղում անուղղակի, իսկ տասնյորն ավելի անկեղծ են գտնվել՝ նշելով, որ սխալներն ուղղում են միանգամից:

Ինչ վերաբերում է դասագրքերին, ապա նախորդ և այս հարցի պատասխանների (ուսուսական դասագրքեր-երկու ուսուցիչ, ուսուական և հայկական-երկխուզը, ուսուական և անգլիական-քանանմելը) համեմատական վերլուծությունը ցույց է տալիս, որ ուսուցիչներն անգլերենի դասերին շատ քիչ են ուշագրություն դարձնում հայրենագիտական գիտելիքների զարգացմանը և փաստորեն պատկերացում չունեն, թե ինչ ասել է հայերեն-անգլերեն քերականական, բառային, հնչյունական և մշակութային տիպարանություն, եթե անգլերեն լեզվանյութի ուսուցումն իրականացվում է՝ հաշվի առնելով

հայերենի համապատասխան լեզվամշակութային իրողությունների և երևոյթների առանձնահատկությունները:

«Ներկայացնո՞մ եք Հայաստանի երկրագիտությունը» հարցի պատասխանները (ոչ՝ ուր ուսուցիչ, այլ՝ տասնյոթը) ուշադրության են արժանի նաև այն տեսանկյունից, որ նախորդ հարցին պատասխանելիս, միայն երկու ուսուցիչ էր նշել, որ գործածում է հայկական դասագրքեր:

Հաջորդ հարցի պատասխանները վստահություն չեն ներշնչում այն առումով, որ հայկական դասագրքերից համարյա չօգտվող ուսուցիչները (ընդ որում, քանի որ միաձայն նշում են, որ դասապրոցեսի ընթացքում աշխատում են համեմատությունները անցկացնել Հայաստանի և Անգլիայի երկրագիտական իրողությունների միջև):

Համեմատաբար հավասար են քվում «Ըստեցո՞մ եք անզերեն լեզվով ամսագրեր կամ օրաբերեր» հարցի պատասխանները (ոչ՝ մեկ ուսուցիչ, այլ՝ քանչորսը), քանի որ հարցի մեջ հատուկ լրիգծված չէ, թե ինչ հաճախականությամբ են ուսուցիչները կարդում անզերեն օրաբերերը:

Կատարված վերլուծության արդյունքներն անփոփելով անհրաժեշտ է ևս մեկ անգամ նշել, որ անզերենի ուսուցիչների մեթոդական իրազեկության բարձրացման համար տարվող աշխատանքը պահանջում է իրականացնել համալիր միջոցառումներ: Դա վերաբերում է թե՛ բուհական և թե՛ հետրուհական կրթությանը: ՀՀ-ի կրթական համակարգի համար նախատեսված ուսումնամեթոդական լրակազմների բացակայության պայմաններում անհրաժեշտ է լուծում տալ ՀՀ հանրակրթական դպրոցների համար նախատեսված անզերենի, ՈՒ կրթական համակարգի համար նախատեսված համակրթական, անզերենը որպես երկրորդ և անզերենը որպես առաջին լեզու ներկայացնող դասագրքերի համալիր ուսումնասիրության և նրանց համապատասխան բաժինների և ենթարաժինների հարմարեցման հարցին:

Անզերենի ուսուցիչները պետք է կարողանան ժամանակին վերանայել շրջանառվող ուսումնական միջոցները, մասնավորապես լուրջ ուշադրություն դարձնեն ոչ միայն անզերենի երկրագիտական, այլև հայերենագիտական իրազեկության զարգացման վրա: Դրա հետ մեկտեղ՝ նրանք պետք է կարողանան տարբեր ուսումնական իրադրություններում ընտրել այնպիսի անզերեն տեքստեր, որոնք տեղեկատվություն են պարունակում քաղաքակրթությունների, անգլիախոս երկրների, անգլախոս երկրների պատմության, աշխարհագրության, մշակույթի, սովորույթների և ավանդույթների, լեզենդների, հերիաքնների և տարբեր իրադարձությունների մասին, ինչպես նաև Հայաստանի սոցիալ-մշակութային իրողությունների, հայերենի և անզերենի զուգարական օրինաչափությունների, տվյալ տարածաշրջանի ավանդույթների, պատմության, մշակույթի ու բարբերի մասին:

Եզրակացություն. Նոր կրթական համակարգի անցման շրջանում կարևորվում են ոչ միայն շրջանառվող արտասահմանյան և հայկական դասագրքերի օպտիմալ օգտագործման և հարմարեցման, այլև որպայալ անզերենի ուսուցիչների պատրաստման և վերապատրաստման, շարունակական կրթության ապահովման հիմնախնդիրները: Դրա համար անհրաժեշտ է համակարգված համագործակցային դաշտ ստեղծել դպրոցական և բուհական գործը կազմակերպողների համար: Անզերենի թե՛ նորավարտ և թե՛ փորձառու ուսուցիչները պետք է լուրջ ուշադրություն դարձնեն իրենց մեթոդական պատրաստվածության վրա: Առևա բուհական, հետրուհական կրթության համակարգը շարունակական զարգացման, կատարելագործման անհրաժեշտություն ունի:

Հայ մանակավարժները պետք է կարողանան համագործակցել թե՛ ՀՀ-ի, թե՛ արտերկրի /հատկապես անգլախոս/՝ անզերենի ուսուցմանը առնչվող մեթոդական մանկավարժների և լեզվաբանների հետ: Կարևորվում է ժամանակակից հեռահաղոր-

դակցական միջոցներից օգտվելու հիմնախնդիրը: Դա վերաբերում է թե՛ ուսումնական, ուսուցողական բնույթի տարրեր կայքերից օգտվելուն և թե՛ սոցիալական ցանցերի միջոցով արտերկրի գործընկերների հետ շփվելուն: Խնդիրը համաշխարհային կրթական զարգացումներից հետ չմնալու է, և անգլերենի ուսուցիչների մեթոդական պատրաստվածությունը նշանակություն ունի:

К ВОПРОСУ О МЕТОДИЧЕСКОЙ ПОДГОТОВЛЕННОСТИ УЧИТЕЛЕЙ АНГЛИЙСКОГО ЯЗЫКА

— *Резюме* —

— *Н. Айрапетян* —

В данной статье рассмотрены особенности подготовки и переподготовки учителей английского языка в Армении. Анализ результатов опроса учителей английского языка показал, что многие учителя не читают научно-методическую, педагогическую литературу, не пользуются возможностями современных телекоммуникационных средств, не посещают библиотеки. Сделан вывод о необходимости кардинальных изменений в системе подготовки учителей.